



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Replica Ioan. Eckii Adversvs Scripta secunda Buceri
apostatæ super actis Ratisponæ**

Eck, Johannes

Ingolstadii, 1543

VD16 E 416

Vestales catholicae quanto excellant porcas Lutheri.

urn:nbn:de:hbz:466:1-30106

piternum, quod non peribit, Esaia 56. Et hic exititius monachus vult eis dare pessimum nomen. Et vt euidentior eorum sit impietas & aperta in spiritum sanctum blasphemia, non solum extirpare satagunt eos, qui relictis omnibus iuxta consilium euangelicum sequuntur Christum, & qui mundo renunciant & pompis eius, sed quanto pauperiores sunt, & viliori habitu innocenter viuunt, ac citra cuiusq; iniuriam deo seruiunt, tanto grauius eos molestant, vt sunt sancti Francisci fratres, Chartusij, sanctae Clarae, sanctae Catharinae, sanctae Brigittae sorores. At indicem addit Lydium lapidem Bucer, quia vita vtrinq; probat, vt ibi verum humiliandae carnis & pudicitiae studium vigeat. Hic omnibus exititijs monachis & monialibus, excucullatis, apostatis, votifragis, Venereis militibus, primam fidem irritam contra apostolum facientibus, oppono virgines deo sacratas, ancillas Iesu Christi Nurnbergae, quae consilium Pauli sequentes in virginitate cogitant, quae domini sunt, & quomodo deo placeant, omni ornatu & luxu seculi contempto; quantumuis dure & aspere habeantur, ob hoc solum quod honeste viuunt, & fidem Christo semel datam custodiunt. Etiam si Nigra hoc sacro contubernio indigna, manum ad aratrum positam retraxerit, ac cum vxore Loth retrospectans nephario concubito abbati Benedictino iuncta, titillationibus carnis maluit succumbere, quam fortiter tentationibus & illecebris voluptatum cum sanctis virginibus sororibus suis in CHRISTO resistere.

Quis autem non rideat Bucerum cum sanctulo suo Luthero, quem ob regnum Christi defendendum ait spiritu prorsus Heroico tonare, nihil mediocre adhibere, nihilque nisi Christum querere. Quam vere dixit Hierony. haeretici eos omnes esse impudentes, quum supra narrauimus eum habere, quod quaesuit. Et quae ipsum docere hic & scopum

E ij eius

Virgines
sacrae
Nurnbero
ga gratia
dei vere
Heroicae.

Schvuer
tzin.

Super ec
clesiaste.

Fol. 14

eius asserit, ostendimus ex diametro pugnare cum hæresibus illius, qui hunc solum scopum habet, vt homines ab ecclesia catholica, & à Christo longissime abducat, & sic in patens os inferni agat præcipites. Ipsi autem in obscenis voluptatibus dies & noctes consumitis, vnde oportet, vt vberes vobis prouentus & stipendia constituantur, vt verissime dixerit de vobis Erasmus, vir quem deus ecclesie sue restituendæ produxit. Duo quærun Lutherani, censum & vxores. Reliqua præstat illis euangelium.

Catholico
rum iudicium
de
Luthero.

Quis Lutheri
der.

Rectum autem est catholicorum iudicium de Luthero, quod hic Bucer recenset: Eum esse irreligiose audacem, temerarium, petulantem, omnis admonitionis impatientem, sæuū, amarulentum, incestuosum, salacem, & scurriliter dicacem. Quare falsum Bucij testimonium non recipiunt etiam iurati: quoniam fidefrago non est credendum, cum ex dictis, scriptis, ac factis Lutheri luce clarius appareat, hunc carbonarij filium non esse organum dei, sed diaboli, non membrum Christi, sed Antichristi & nonne suæ, ecclesiarum internæ ac externæ deformatorem, Antichristi præcursores & apostolum, omnium hæreticorum hæredem & fecem. Insanit Bucer, si existimat compositis verbis velle persuadere cuiquam integriorē Lutheri vitam, quàm prælatorum quod & Erasmus confutauit, & in Apologia obiecimur legatum sedis apost. de Contarenis felicis memoriæ, & hodie obiecimur cardinalem Sadoletum, cardin. Theatinum, Moronum cardinalem S. crucis, cardinalem S. Marcelli, & similes, Episcopum item Veronensē, Ioannem Matthæum, Valentinum Hildeshaimensē, cum innumeris alijs. Vnde impie Bucer inuidiam Lutheri, scurrilitatem & mordacitatem comparat cum zelo prophetarum & apostolorum. Pessimè consulit libros damnatos Lutheri legendos, cum nusquam non admisceat hæreses & impietates suas: quoniam is mos est hereticorum (ait Greg.) vt falsa veris permisceant.

Nos